

Graduan ACCA ke-7 terbaik dunia

■ Anak peniaga pasar malam catat keputusan cemerlang peperiksaan perakaunan profesional

Oleh Syahri Abd Wahab
am@mediaprima.com.my
Shah Alam

Pelajar cemerlang Persekutuan Akauntan Bertauliah (ACCA) United Kingdom di Malaysia, Siti Aisah Kamarulzaman, 21, meneruskan kesinambungan keluarga selepas dua abangnya memperoleh sijil perakaunan profesional dengan keputusan cemerlang.

Kesinambungan beliau mencatat keputusan terbaik ketujuh di dunia untuk peperiksaan Jun lalu itu seakan menidakkan pepatah ‘dalam pisang setandan pasti ada yang busuk’ apabila hampir semua ahli keluarganya memperoleh sijil ACCA manakala selebihnya sudah mempunyai kerjaya sendiri dalam bidang profesional.

Graduan Universiti Teknologi Mara (UiTM) Shah Alam itu berjaya mengatasi 724 graduan lain yang menduduki peperiksaan ACCA Jun 2013 di negara ini dan berjaya menempatkan dirinya di tangga ketujuh antara 6,000

graduan yang turut menduduki peperiksaan ini di seluruh dunia.

Beliau berkata, ayahnya adalah orang yang bertanggungjawab membolehkan dia berjaya hingga ke tahap itu yang turut didorong sifat dan hobi suka mengira daripada ayahnya.

“Ayah saya hanya bermiaga di pasar malam manakala ibu pula bekerja sebagai guru, namun ayah banyak menasihati dan menurunkan petua bagaimana untuk belajar secara berkesan.

“Dalam sembilan adik beradik, lima antara kami mengambil ACCA dan dua abang saya sudah pun bekerja dengan firma audit manakala dua lagi adik saya kini sedang melanjutkan pelajaran dalam program yang sama,” katanya ketika ditemui selepas sidang media meraikan kejayaan beliau di UiTM, di sini, semalam.

Katanya, dia sebenarnya tidak menyangka akan menjadi graduan terbaik ACCA Malaysia dan ketujuh terbaik di dunia kerana dia hanya



“Ini adalah kejayaan paling bermakna dalam hidup saya”
Siti Aisah Kamarulzaman

mengharapkan untuk lulus dan melakukan yang terbaik.

“Saya sangat terkejut apabila diumumkan sebagai graduan terbaik ACCA di



SITI AISAH menerima cenderahati daripada Sahol Hamid (kanan) sebagai pengiktirafan kecemerlangannya dalam peperiksaan ACCA Jun lalu.

Malaysia dan kejutan berganda apabila diumumkan sebagai graduan ketujuh terbaik di dunia kerana beribus graduan turut menduduki peperiksaan itu.

“Ini adalah kejayaan yang paling bermakna dalam hi-

kelima terbesar di dunia, BDO, 5 Ogos lalu.

Naib Chanselor UiTM Prof Tan Sri Dr Sahol Hamid Abu Bakar berkata, beliau berbangga dengan pencapaian tertinggi dikecapai Siti Aisah kerana beliau turut mengharumkan nama institusi pengajian tinggi awam terbabit di luar negara.

“Kita sangat berbangga dengan kejayaan Siti Aisah kerana beliau antara 80 graduan ACCA UiTM tahun ini yang berjaya menempa nama di luar negara.

“Beliau mampu mencapai skor melebihi kemampuan biasa pelajar ACCA capai, iaitu secara purata 70 peratus bagi lima kertas peperiksaan program itu. Ini menunjukkan beliau mempunyai kemampuan luar biasa dan bijak,” katanya.

Sementara itu, Rakan Pengurusan Bersama BDO Malaysia Datuk Gan Ah Tee berkata, Siti Aisah adalah penerima biasiswa BDO yang paling cemerlang antara 100 graduan yang pernah ditaja oleh firma berkenaan.